

## 形容春天美景的诗

1.  
应怜屐齿印苍苔，小扣柴扉久不开。春色满园关不住，一枝红杏出墙来。  
。——叶绍翁《游园不值》
2.  
东城渐觉风光好，縠皱波纹迎客棹。绿杨烟外晓寒轻，红杏枝头春意闹。  
。浮生长恨欢娱少，肯爱千金轻一笑。为君持酒劝斜阳，且向花间留晚照。  
。——宋祁《玉楼春》
3.  
春眠不觉晓，处处闻啼鸟。夜来风雨声，花落知多少。——孟浩然《春晓》
4.  
红豆生南国，春来发几枝。愿君多采撷，此物最相思。——王维《相思》
5.  
碧玉妆成一树高，万条垂下绿丝绦。不知细叶谁裁出，二月春风似剪刀。  
。——贺知章《咏柳》
6.  
爆竹声中一岁除，春风送暖入屠苏。千门万户曈曈日，总把新桃换旧符。  
。——王安石《元日》
7.  
迟日江山丽，春风花草香。泥融飞燕子，沙暖睡鸳鸯。——杜甫《绝句》

8.  
早被婵娟误，欲归临镜慵。承恩不在貌，教妾若为容。风暖鸟声碎，日高花影重。年年越溪女，相忆采芙蓉。——杜荀鹤《春宫怨》
9.  
胜日寻芳泗水滨，无边光景一时新。等闲识得东风面，万紫千红总是春。——朱熹《春日》
10.  
天街小雨润如酥，草色遥看近却无。最是一年春好处，绝胜烟柳满皇都。——韩愈《初春小雨》
11.  
谁家玉笛暗飞声，散入春风满洛城。此夜曲中闻折柳，何人不起故园情。——李白《春夜洛城闻笛》
12.  
花隐掖垣暮，啾啾栖鸟过。星临万户动，月傍九霄多。不寝听金钥，因风想玉珂。明朝有封事，数问夜如何？——杜甫《春宿左省》
13.  
燕草如碧丝，秦桑低绿枝。当君怀归日，是妾断肠时。春风不相识，何事入罗帏？——李白《春思》
14.  
万树江边杏，新开一夜风。满园深浅色，照在绿波中。——韩愈《早春呈水部张十八员外》
15.  
三月三日天气新，长安水边多丽人。态浓意远淑且真，肌理细腻骨肉匀。绣罗衣裳照暮春，蹙金孔雀银麒麟。——杜甫《丽人行》
16.  
江南好，风景旧曾谙。日出江花红胜火，春来江水绿如蓝。能不忆江南

?——白居易《忆江南》

17.

京口瓜洲一水间，钟山只隔数重山。春风又绿江南岸，明月何时照我还？——王安石《泊船瓜洲》

18.

好雨知时节，当春乃发生。随风潜入夜，润物细无声。——杜甫《春夜喜雨》

19.

独有宦游人，偏惊物候新。云霞出海曙，梅柳渡江春。淑气催黄鸟，晴光转绿苹。忽闻歌古调，归思欲沾襟。——杜审言《和晋陵陆丞相早春游望》

20.

国破山河在，城春草木深。感时花溅泪，恨别鸟惊心。烽火连三月，家书抵万金。白头搔更短，浑欲不胜簪。——杜甫《春望》

21.

昨夜风开露井桃，未央前殿月轮高。平阳歌舞新承宠，帘外春寒赐锦袍。——王昌龄《春宫曲》

22.

孤山寺北贾亭西，水面初平云脚低。几处早莺争暖树，谁家新燕啄春泥。乱花渐欲迷人眼，浅草才能没马蹄。最爱湖东行不足，绿杨阴里白沙堤。——白居易《钱塘湖春行》

23.

新妆宜面下朱楼，深锁春光一院愁。行到中庭数花朵，蜻蜓飞上玉搔头。——刘禹锡《春词》

24.

打起黄莺儿，莫教枝上啼。啼时惊妾梦，不得到辽西。——金昌绪《春

怨》

25.

人间四月芳菲尽，山寺桃花始盛开。长恨春归无觅处，不知转入此中来。  
。——白居易《大林寺桃花》

26.

古木阴中系短篷，杖藜扶我过桥东。沾衣欲湿杏花雨，吹面不寒杨柳风。  
。——僧志南《绝句》

27.

怅卧新春白袷衣，白门寥落意多违。红楼隔雨相望冷，珠箔飘邓独自归。  
。——李商隐《春雨》

28.

诗家清景在新春，绿柳才黄半未匀。若待上林花似锦，出门俱是看花人。  
。——杨巨源《城东早春》

29.

人闲桂花落，夜静春山空。月出惊山鸟，时鸣春涧中。王维《鸟鸣涧》

本文链接：<https://duanjuziku.com/duanjuzi/ixzymtv8sh.html>